

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Conradi Samvelis Schvzrfleischii Opera historica politica**

**Schurzfleisch, Konrad Samuel**

**Berolini, 1599 [i.e. 1699]**

V. Propos. Histor. Chronol. (De Olympiad)

**urn:nbn:de:bsz:31-102564**

§. XII. Herodes vero ut versutus et callidus, sic a natura factus ad dominationem, quam esse non iure, sed vi obtinuit, tamen omnes improborum civium conatus fregit feliciter et superavit. Proinde nullum incendium excitatum est, quod is non sanguine autorum restinxerit, vel sedarit. Cumque Pharisei aperte recusarent obsequium, et sacramentum palam detrectarent, caedibus saevitum est, nec aliquis facile extitit, qui manus sanguinarii et effeferati Regis evitaret. Testatur illud interitus eorum omnium, qui tumultuantibus duces et antesignanos se praebuerunt, irationi sane fato, quod exitium in capita ipsorum vertit, turbulentosque delevit funditus et subvertit, qui neque sibi temperare, neque alios rectius gubernare potuerunt.

§. XIII. Quamobrem nihil non audebant, et erepti iam sibi, postquam e servitute videbantur, ultima experiri volebant, ne denuo subire iugum, et nutu alieno vivere, atque externas leges accipere cogerentur. Sed enim vero omnia sinistris auspiciis coepta pariter ac gesta sunt, novaque machinatio materiam cladi recenti, occasionemque sanguini profundendo semel atque iterum dedit. Mitto reliqua, et supersedeo dicere extrema, quoniam immanitate constant, et calamitate movent, adeo ut sine lachrymis non modo non repeti, sed ne commemorari quidem possint.

## V. PROPOS. HISTOR. CHRONOL. (DE OLYMPIAD)

Olympiades sunt *παρραθημίδες* tametsi interdum *πενταετημίδες* appellari solent, praesertim à Poetis, qui licentia artis excusantur. Ovidius lib. IV. ep. 6. ex Ponto. *In Scythia nobis quinquennis Olympias acta est.* Vbi auctor notarum non satisfecit muneri, et minus accurate exposuit hanc vocem.

§. II. Sed nec ipsi Oratores id semper observant, et recedunt interdum, neque subtilitati student, et quinquennale tempus hoc vocabulo appellant. Cicero in lib. III. de Oratore, qui a celebri Chronologo perperam citatur Tusculan. I. Vbi causae servit orator, denotatque annum praeteritae Olympiadis, non autem periodum Olympicam definit, quippe quod negotium iis datum est, qui temporis supputandi artem tractant.

§. III. Graeci quoque historiarum conditores locuti sunt laxius, et ludos Olympicos semel atque iterum *quinquennales* vocarunt. Inter hos Pausanias indicat, quarto quoque anno finito, actos fuisse hos ludos. Cicero hoc temporis spatium, *quinquennali celebritate* designavit, eaque de causa passim

passim appellati sunt quinquennales. Hinc Pausaniae sententiam iisdem verbis exprimit Romulus Amasaeus, quam simplicius vertas. *Quinto igitur quoque anno constituit haberi ludos*; Hoc enim sonant verba. *Διὰ πέντε εἰς αὐτὸν (ἀγῶνα) κατεστήσατο ἄγειναι.* in *Eliacis* l. Proinde interpretes plerique, non improbante Syburgio, *πανήγυρι τῆς Ὀλυμπικῆς*, reddunt quinquennalem Olympiae celebritatem, quos magistri huius artis sequuntur.

§. IV. Quod non eo valet, ut Olympias lustro Romanorum aequalis sit, et quinque annis definiatur. Cuius sententiae cum permulti sunt, tum princeps huius doctrinae Iosephus Scaliger, qui ab eo tempore, quo ludicrum hoc celebrari desiit, parem Olympiadis, atque lustri Juliani, rationem fuisse arbitratur. In quo et refragatur antiquitati, et movet terminos, Graecorum Latinorumque auctoritate fixos, l. *V. de emendatione temp.* Contra quem accurate disseruit *D. Petavius*, et quibus par est finibus hoc temporis spatium circumscripsit, *lib. IX. de doctrina temp.* Neque sibi satis constat Henricus Glareanus, quum existimat hoc intervallum, quod Olympias significat, apud Romanos vocari lustrum, in *Chronologia Romana*.

§. V. Illud omnino affirmandum est, annum, quo sequens Olympias inchoatur, quintum dici, qui tamen revera est annus primus Olympiadis sequentis. Magistri artis, qui temporum rationes conficiunt, plane breviterque explicant, et *periodum* hanc, sive spatium, quod Olympias dicitur, ab anno Olympiastico distinguunt. Nam *periodus* ipsa quatuor duntaxat annos continet, annus autem quintus dicitur Olympiasticus, qui tamen non erat quintus Olympiadis praecedentis, sed primus sequentis. Longe alia fuit ratio lustri Juliani, quod quinto quoque anno exunte condebatur, spatiumque annorum quinque solidorum plerumque comprehendebat. *Quo in negotio conferre licet Livium cum Dionysio Halicarnassico.*

§. VI. Ceterum Olympiades nomine suo originem indicant, quam acceptam ferunt ludis Olympicis, qui quinto quoque anno, magna totius Graeciae celebritate habebantur. Locus certamini delectus et constitutus est in Pisaeo Peloponnesi tractu, cuius pars oppidumque fuit Olympia, antiquo Iovis fano celebris, unde Iupiter Olympicus est cognominatus. Ager Pisaicus deinde Elidi attributus est, et exinde Olympia, quam Alpheus, clarus Peloponnesi fl. alluit, inter oppida Elidis referri coepit, *Vid. Strabo Geograph. lib. VIII. cum quo iungatur Pausanias in Eliacis.* Ex hoc colligi potest, Olympiam tam de urbe, quam de victoria efferi, Olympiae huius, et Milonis simul ibi stadium ingressi meminit Cicero in libro, qui inscribitur *Caio maior.*

§. VII. Ludi ipsi nomine Olympiorum celebrati sunt, quos dudum a Pilo, Pelope et Hercule institutos, ac vitio temporum aliquandiu intermissos, in-

instauravit Iphitus Rex Elidis, ab Heraclidarum stirpe oriundus. *V. Phlegontis Tralliani fragmentum de Olympiis, edit. Meursianae p. 137.*

§. IIX. Et si autem Olympiades multo sunt antiquissimæ, tamen computatio, quæ per rationes Olympiadum instituitur, serius adhibita, atque usu historicorum recepta est, quod primi antiquissimique Græciæ scriptores confirmant, atque inter hos imprimis Herodotus et Thucydides, qui Olympia quidem commemorant, sed rationibus per Olympiadas confectis non utuntur.

§. IX. Postea vero, quam victorum, qui Olympionicæ dicti sunt, nomina in tabulas referri coeperunt, certamina multis inde a prima origine seculis consignata sunt, atque adeo Olympionicæ serius, et nonnisi ab instaurazione Iphitea, memoriam sui reliquerunt. In quo genere Timæi studium magno pere celebratum est, qui scribendis Victorum Olympicorum nominibus operam dedit. *De quo vid. Polybius, Diodorus et Suidas.*

§. X. Diu vero ante tempora Philippi Macedonis, Olympiades receptæ, et computatæ sunt, ut non fuerit causa, quamobrem Philippus Beroaldus, vix ceteroquin doctus et diligens putarit, omnes temporum rationes ante Philippi Macedonis tempora dubias esse atque incertas.

§. XI. In Creta autem, an in Peloponneso primum instituti fuerint ludi Olympici, contrariis plerique studiis certant. Non assentior V. C. qui existimat, primos in Creta et institutos, et editos fuisse hos ludos.

§. XII. Primum certamen Olympicum initum est anno M. 3208. P. I. 3938. post Troiæ excidium A. 408, ante N. C. 776. cum Athenis Aeschylus, Lacedæmone Alcamenes regnaret. Qui dissentiunt, rationes turbant, et ex ingenio artem computandæ Olympiadis fingunt.

## VI. PROPOS. (DE PELOPONESO.)

**P**eloponnesus, peninsula fertilis, et omni rerum copia affluens, primum antiquissimumque nomen Aegialeæ tulit, quod ab Aegialeo Sicyoniorum Rege additum, usque ad tempora Pelopis retinuit: qui ex Phrygia oriundus, Hippodamiam, Oenomai Pisæ Regis filiam duxit, socioque, non sine dolo, in Olympiis sublato, regnum adeptus, insignem illam Græciæ partem, quæ intra isthmum est, ab nomine suo appellavit. *Eusebius manifesto indicat, dictam fuisse Aegialeam, Chronic. lib. prior. Georgius Syncellus in chronographia, uterque Castoris fragmentum, quod de regno Sicyoniorum inscribitur, secutus. Dubia implicataque est Aegialei historia, quippe quæ præcedit veros certosque Græcorum festos, qui Olympiades dicuntur. Ut nostræ*